




REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



Emri i Biznesit: Qerim Jaha B.I.
Emri Tregtar: TOP ILIRIA RADIO
NUI: 810215443
Pronari: Qerim JAHA
OSHMA: Top Iliria Radio
Adresa: Dëshmorët e Kombit, p.n.
Deçan

Emri i Biznesit: "Klan Kosova" SH.P.K.
NUI: 810795297
Pronari: KGO Media Investments Holding SH.P.K.
NUI: 811575804
Pronari: KGO Media Investments DOOEL
Pronari: Kushtrim GOJANI
Adresa: Rr/ Zona Industriale, ish Fabrika
Amortizatorëve Prishtinë



VENDIM

për ndryshimin e pronësisë dhe bartjen e licencës së Top Iliria Radio, ndryshimin të emrit në Klan Kosova Radio FM si dhe skemës programore, me seli në Komunën e Deçanit

Fakte

1. Komisioni i Pavarur për Media (KPM), është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit. KPM-ja rregullon të drejtat, detyrimet si dhe përgjegjësitë e personave fizik dhe juridik të cilët ofrojnë shërbimet mediale audio dhe audiovizuale.
2. Top Iliria Radio është Ofrues i Shërbimeve Mediale Audio me mbulim lokal, i cili është licencuar nga Komisioni i Pavarur për Media (KPM), për transmetim tokësorë të programeve të radios, me seli në komunën e Deçanit. KPM, me vendimin e datës 19 shtator 2016, ka bërë ripërtëritjen e licencës së Top Iliria Radio për një afat prej shtatë (7) vitesh.
3. Më datën 22 tetor 2021, Top Iliria Radio ka dorëzuar në zyrën e KPM-së një kërkesë përmes së cilës ka kërkuar miratim për ndryshimin e pronësisë dhe bartjen e licencës së Top Iliria Radio nga biznesi individual Qerim Jaha B.I., emri tregtar Top Iliria Radio, me Numër Unik Identifikues (NUI) 810215443 dhe me pronar z. Qerim Jaha tek biznesi Klan Kosova SH.P.K., me Numër Unik Identifikues - 810795297, me pronar personin juridik KGO Media Investments Holding SH.P.K. me Numër Unik Identifikues - 811575804, ndërsa ky biznes me pronar si person juridik KGO Media Investments DOOEL, EMBS - 7115326, me seli në Shkup dhe me personin fizik si pronar z. Kushtrim Gojani.

4. Gjithashtu, me anë të së njëjtës kërkesë, nga kandidati për pronar të ri, është kërkuar miratimi i KPM-së për ndryshimin e emrit nga Top Iliria Radio në Radio Klan Kosova FM si dhe ndryshimi i skemës programore.

Arsyetim

5. Neni 21, paragrafi 3 i Ligjit të KPM-së përcakton se: *“licencat nuk mundë të shfrytëzohen dhe bartën pa autorizim dhe pa aprovim paraprakë me shkrim të KPM-së”*.
6. Neni 15. pika 2. Paragrafi 1 i Kushteve dhe termeve të Përgjithshme të Licencës së KPM-së ka siguruar që: *“Për çdo ndryshim në pronësi që kap më shumë se 10% të aksioneve të interesave ose ato që kanë ndikim të theksuar në kontrollin e të Licencuarit, kërkohet paraprakisht aprovimi me shkrim nga ana e KPM-së”*
7. Neni 15.4 i Kushteve dhe termeve të Përgjithshme të Licencës së KPM-së ka siguruar që: *“KPM-ja do të lejojë transferimin e licencës vetëm kur sigurohet që personi fizik apo juridik, për të cilin propozohet që t’i transferohet licenca, i plotëson standardet e KPM-së për t’iu dhënë një licencë.”*
8. Në kërkesën për ndryshimin e pronësisë, pronari aktual i Top Iliria Radio ka deklaruar se arsye për këtë ndryshim janë vështirësitë financiare të shkaktuara nga situata me pandeminë covid 19, për arsye se me fillimin e pandemisë bizneset i kanë ndalur reklamat.
9. Komisioni konstaton se, kandidati i propozuar për pronar të ri të Top Iliria Radio (kandidati), përmes një deklarate me shkrim, ka shprehur gatishmëri që ofrimin e shërbimeve mediale audio për publikun do të bëjë në pajtueshmëri me Ligjin dhe aktet nënligjore të KPM-së.
10. Komisioni konstaton se, kandidati përmes një plani të biznesit lidhur me të hyrat, shpenzimet dhe profitin, ka planifikuar zhvillimin e Top Iliria Radio përmes rritjes së cilësisë së programeve, transmetim të programeve për të gjitha grupet e moshave të shoqërisë, angazhimin e stafit profesional dhe të kualifikuar si dhe investime në teknologjinë më të re, ndërsa sa i përket qëndrueshmërisë financiare ka bashkangjitur edhe dëshmi nga institucionet financiare mbi shkallën dhe burimin e financimit.
11. Komisioni konstaton se, paraprakisht Top Iliria Radio ka shlyer të gjitha obligimet financiare ndaj KPM-së.
12. Duke u bazuar në gatishmërinë e shprehur të kandidatit për pronar të ri për të punuar në pajtim me Ligjin dhe aktet nënligjore të KPM-së, dëshmitë rreth qëndrueshmërisë financiare, angazhimin e stafit profesional zotimet për rritjen e cilësisë dhe llojeve të programeve si dhe investimet në teknologjinë e re të transmetimit, si dhe faktin se kjo radio për një kohë të gjatë, pothuajse shumicën e kohës, nuk ka transmetuar program Komisioni vlerëson se ndryshimi i pronësisë së Top Iliria Radio është në interes të publikut.
13. Lidhur me kërkesën për ndryshimin e emrit nga Top Iliria Radio në Radio Klan Kosova FM, Komisioni konstaton se emri i propozuar për ndryshim nuk është i ngjashëm me asnjë

nga emrat e të licencuarve të KPM-së dhe si i tillë nuk do të paraqesë pengesa apo konfuzion tek dëgjuesit gjatë transmetimit, prandaj emri i propozuar është i pranueshëm për ndryshim.

14. Komisioni konstaton se kandidati për pronarë të ri, gjithashtu ka bërë kërkesë për ndryshimin e skemës programore.
15. Komisioni vlerëson se, kërkesa për ndryshim të pronësisë dhe emrit dhe skemës programore të Top Iliria Radio është bërë në pajtim me procedurat e KPM-së, të bazuara në Ligjin dhe aktet nënligjore të KPM-së dhe si e tillë i plotëson kriteret për miratim.

Vendim

16. Komisioni në takimin e tij të mbajtur më datën 16 nëntor 2021, merr vendim për miratimin e kërkesës për ndryshimin e pronësisë dhe bartjen e licencës së Top Iliria Radio nga biznesi individual Qerim Jaha B.I., emri tregtar Top Iliria Radio, me Numër Unik Identifikues (NUI) 810215443 dhe me pronar z. Qerim Jaha tek biznesi Klan Kosova SH.P.K., me Numër Unik Identifikues - 810795297, me pronar personin juridik KGO Media Investments Holding SH.P.K. me Numër Unik Identifikues – 811575804, ndërsa ky biznes me pronar si person juridik KGO Media Investments DOOEL, EMBS – 7115326, me seli në Shkup, dhe me personin fizik si pronar z. Kushtrim Gojani.
17. Me anë të këtij vendimi të gjitha të drejtat dhe detyrimet e Top Iliria Radio barten te pronari i ri.
18. Komisioni vendos që të miratojë edhe kërkesën për ndryshimin e emrit të Top Iliria Radio në **Radio Klan Kosova FM** si dhe ndryshimin e skemës programore, sipas kërkesës së kandidatit.
19. Përveç ndryshimeve të përmendura më lartë në këtë rekomandim nuk do të ketë ndryshime në pjesët tjera të Licencës, si Pjesës II – Parametrave Teknik dhe IV – Zonës së Mbulimit.
20. Këtë vendim e lëshon Komisioni, dhe i njëjti hyn në fuqi nga data e nënshkrimit.

Xhevat LAVIFI

Kryetar

Komisioni i Pavarur i Mediave



22.11.2021

datë